

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ N 79

ქალაქი ბათუმი

30 მარტი 2023 წელი

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის, მაია ხაჯიშვილის სახით და მეორე მხრივ, შპს „თრაველს“ (შემდგომში „მიმწოდებელი“) წარმოდგენილი დირექტორის, ზაზა დავითაძის სახით, „სახელმწიფო შესყიდვების შესახებ“ საქართველოს კანონის საფუძველზე, ელექტრონული ტენდერის (სატენდერო განცხადება N **NAT230005229**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

2.1. ხელშეკრულების საგანია პროგრამის - "კულტურის სფეროს წარმომადგენელთა პროფესიული განვითარების ხელშეწყობა" - პირველი პუნქტის - "საერთაშორისო ფესტივალებში, კონკურსებში, გამოფენებში და სხვა ღონისძიებებში მონაწილეობის ხელშეწყობა" - ფარგლებში ღონისძიების ორგანიზება (CPV-79952000) კერძოდ, ა(ა)იპ ვახტანგ ჭაბუკიანის სახელობის კლასიკური ბალეტის სკოლის პედაგოგებისა და მოსწავლეების ქალაქ რიგაში დაგეგმილ საერთაშორისო ქორეოგრაფიულ კონკურსში მონაწილეობის მიღების ორგანიზება.

(შემდგომში - შესყიდვის ობიექტი და/ან მომსახურება).

2.2. გასაწევი მომსახურების აღწერილობა მოცემულია დანართი N1-ში (შესყიდვის აღწერილობა) და დანართი N2-ში (ფასების ცხრილი), რომლებიც თან ერთვის ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 40 000 (ორმოცი ათასი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი, მომსახურების მიღება-ჩაბარების წესი

- 4.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.
- 4.2. მომსახურების საბოლოო ან/და შუალედური მიღება განხორციელდება, ფაქტიურად გაწეული მომსახურების შესაბამისად გაწეული მომსახურების ღირებულებისა და მოცულობის მითითებით გაფორმებული მიღება-ჩაბარების აქტის საფუძველზე.
- 4.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია ხელშეკრულების შესრულების კონტროლის განმახორციელებელი პირები.
- 4.4. შემსყიდველი უფლებამოსილია უარი განაცხადოს უხარისხოდ განხორციელებული მომსახურების მიღებაზე.

4.5. მომსახურების მიწოდების ადგილია საქართველო, ბათუმი (საქართველო) - რიგა (ლატვია) - ბათუმი (საქართველო);

4.6. მომსახურების მიწოდების ვადაა 2023 წლის 19-24 აპრილი;

4.7. ტრანსპორტირების მომსახურების გაწევისას, მიმწოდებელი პასუხს აგებს მგზავრისათვის და/ან შემსყიდველისათვის მიყენებული ზიანისათვის, ასევე მათი ბარგის დაზიანებისა და დაკარგვისათვის.

5. ანგარიშსწორების ფორმა, წესი და ვადები

5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.

5.2. ანგარიშსწორება ხორციელდება შუალედური ან/და საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ. ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.

5.3. საავანსო ანგარიშსწორება არ გამოიყენება.

6. გარანტია

6.1. მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

6.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.

6.3. 6.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

6.4. მიმწოდებელი ვალდებულია განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

7. ხელშეკრულების შესრულების კონტროლი

7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

7.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის სამინისტროს კულტურის დეპარტამენტის უფროსი თამარ გუდავა, შემოქმედებითი პროცესების მხარდაჭერის განყოფილების უფროსი ნათია ზლაგიძე და ამავე განყოფილების მეორე კატეგორიის უფროსი სპეციალისტი ნინო ლოსაბერიძე.

7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტის ა,ბ,დ,ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.

ე) საქართველოს კანონმდებლობით გათვალისწინებულ სხვა შემთხვევებში.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. სადავო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

13.1. ხელშეკრულება ძალაში შედის მხარეების მიერ ხელმოწერის დღიდან.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

13.5. ხელშეკრულება ხელმოწერილია, შტამპდასმულია ელექტრონული ფორმით.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2023 წლის 30 ივნისამდე.

15. მხარეთა რეკვიზიტები

შემსყიდველი:

აჭარის არ განათლების, კულტურისა

და სპორტის სამინისტრო

საქართველო, ქალაქი ბათუმი

გუდიაშვილის ქ. N4

ს/კ 245 427 667

მინისტრი

მაია ხაჯიშვილი

მიმწოდებელი:

შპს „თრაველს“

საქართველო, ქალაქი ბათუმი

რურუას 1

ს/კ 445449453

მფო BAGAGE22

ა/ა GE44BG0000000853047700

დირექტორი

ზაზა დავითაძე

დანართი №1

შესყიდვის აღწერილობა

ა(ა)იპ ვახტანგ ჭაბუკიანის სახელობის კლასიკური ბალეტის სკოლის პედაგოგებისა და მოსწავლეების ქალაქ რიგაში დაგეგმილ საერთაშორისო ქორეოგრაფიულ კონკურსში "რიგის გაზაფხული 2020-2023" მონაწილეობის მიზნით, მათი ტრანსპორტირებითა და სასტუმროში განთავსებით უზრუნველყოფა.

მოწოდებულ	მომსახურებაში	უნდა	შევიდეს:
1. ა(ა)იპ ვახტანგ ჭაბუკიანის სახელობის კლასიკური ბალეტის სკოლის პედაგოგებისა და მოსწავლეების	სახმელეთო	ტრანსპორტირების	უზრუნველყოფა
ავტობუსით/მიკროავტობუსებით	შემდეგი	მიმართულებით	ქ.ბათუმი-საქართველოს
საერთაშორისო	აეროპორტი	-	ქ.ბათუმი.

განრიგი:

გამგზავრება ქ. ბათუმიდან საქართველოს საერთაშორისო აეროპორტში - 19 ან 20 აპრილი;
გამომგზავრება საქართველოს საერთაშორისო აეროპორტიდან ქ. ბათუმში - 23 ან 24 აპრილი;

ავტობუსი/მიკროავტობუსი უნდა აკმაყოფილებდეს შემდეგ მოთხოვნებს:

- ავტობუსის/მიკროავტობუსები უნდა იყოს ტექნიკურად გამართული, აღჭურვილი გათბობა-კონდიციონერების სისტემით, კომფორტული სალონით და სავარძლებით, ტელევიზორით, საბარგულით.
- ავტობუსში/მიკროავტობუსებში სულ უნდა იყოს მგზავრებისთვის განკუთვნილი არანაკლებ 31 ადგილი და რეკვიზიტებისა და კოსტიუმების ტრანსპორტირებისათვის საჭირო სივრცე.

შენიშვნა: პრეტენდენტმა უნდა წარმოადგინოს ავტობუსის/მიკროავტობუსების ტექნიკური დოკუმენტაციის დამადასტურებელი ძალაში მყოფი დოკუმენტ(ებ)ი, ტექ. პასპორტ(ებ)ი, მძღოლის პირადობის დამადასტურებელი და მართვის მოწმობები.

შენიშვნა: კულტურის საერთაშორისო ღონისძიების მონაწილეთა ფრენის ქ. ბათუმის საერთაშორისო აეროპორტიდან განხორციელების შემთხვევაში პუნქტი - „სახმელეთო ტრანსპორტირება: „ქ. ბათუმი - საქართველოს საერთაშორისო აეროპორტი - ქ. ბათუმი“ - შემსყიდველის მიერ არ ანაზღაურდება;

2. 31 პირის საჭირო ტრანსპორტირების (ტრანსფერით) უზრუნველყოფა შემდეგი მიმართულებით: საქართველოს საერთაშორისო აეროპორტი - რიგის საერთაშორისო აეროპორტი - საქართველოს საერთაშორისო აეროპორტი.

ფრენის

განრიგი:

გამგზავრება საქართველოს საერთაშორისო აეროპორტიდან - 19 ან 20 აპრილი; ჩასვლა ქ. რიგაში - 20 აპრილი.
გამომგზავრება ქალაქ რიგიდან საქართველოს საერთაშორისო აეროპორტში - 23 აპრილი;

ჩამოსვლა საქართველოს საერთაშორისო აეროპორტში - 23 ან 24 აპრილი.

შენიშვნა: ავიაბილეთების ფასი უნდა მოიცავდეს ხელბარგის და რეგისტრირებული ბარგის (საშუალოდ 20 კგ) ღირებულებას. ფრენა უნდა განხორციელდეს არაუმეტეს 1 გადაჯდომით. უზრუნველყოფილი უნდა იყოს ტრანსფერი მიმართულებით: რიგის საერთაშორისო აეროპორტი - სასტუმრო ქ.რიგაში - რიგის საერთაშორისო აეროპორტი.

3. 31 პირის საერთაშორისო ქსელის სასტუმროში განთავსება ქ.რიგაში (საუზმით), 3 ღამე - 15 ორ ადგილიანი და 1 ერთ ადგილიანი ნომერი.
Check in - 20.04.2023
Check out - 23.04.2023

შენიშვნა: სასტუმრო უნდა იყოს არანაკლებ ოთხვარსკვლავიანი. სასტუმრო უნდა მდებარეობდეს ქალაქ რიგაში, ლატვიის საზოგადოების სახლიდან (ქ.რიგა. მერკელი ქ N13) არაუმეტეს 1 კმ რადიუსში.

შენიშვნა: იმ შემთხვევაში, თუ რომელიმე მონაწილე სხვადასხვა მიზეზით არ/ვერ გაფრინდება, შემსყიდველი წერილობით აცნობებს მიმწოდებელს აღნიშნულის თაობაზე, მიმწოდებელი ვალდებულია გააუქმოს ბილეთი/ჯავშანი, ასეთის შესაძლებლობის შემთხვევაში. რა დროსაც შემსყიდველის მიერ გადახდილი იქნება საჯარიმო თანხა.

დანართი N2

ფასების ცხრილი

პრეტენდენტის დასახელება

N	მომსახურების დასახელება	რაოდენობა	საცალო ღირებულება	მომსახურების ღირებულება (ლარში) დღგ-ს ჩათვლით
1	სახმელეთო ტრანსპორტირება: ბათუმი - საქართველოს საერთაშორისო აეროპორტი-ბათუმი	31 პირი	20	620
2	საჰაერო ტრანსპორტირება (ტრანსფერით) საქართველოს საერთაშორისო აეროპორტი - რიგის საერთაშორისო აეროპორტი - საქართველოს საერთაშორისო აეროპორტი	31 პირი	800	24800
3	სასტუმროში განთავსება (საუზმით) 3 ღამე	31 პირი,	470,32258	14580
სულ				40 000